

鶴山先生大全文集

二

化國書館

Yenching University Library

開化圖書館

Kaishua library

開化圖書館

Kaichua library

開化圖書館

Kaichua library

重校鶴山先生大全文集一

宋本原闕

開化圖書
Wakuhwa Library

開化圖書館

kuahua library

寄題雅州胥園

胥君頎然來錦囊昔奚奴探囊發詩卷一一卿大夫
未識胥園面詩卷自畫圖掃石卧竹影長鍾斲芋區
胥君於此時林泉傲金朱懶余本丘壑誤被塵纒縛
每逢漫浪友慚愧紅塵脚會當尋茲盟酬此一大錯
登萬象樓和計次陽韻

塵纒羈我身對景慵看身語青山喚倚欄壯氣臨穎汝

曾雲卷油幕萬嶺眇煙縷酒闌一橫笛樓前葉自兩

贈章相士

我本三生人寄身軟紅土方困京華老誰識新豐旅
稠中有章生道周忽會顧謂余有奇骨往往私告語
許予兩無心解逅適相遇聞余趨集英一聲登臚句
自謂吾術神誦言詫儔侶我無百金裝生無箕帚女
泚毫賦此詩為生郵梁楚

和虞永康美功堂詩

我曾寄徑城南州果否纂纂香有浮浮雲開千仞雪
山白月照萬古滄江流我時未得江山意但愛蒼高明
甲西州十年重來是邪非獨覺真意爛不收虞侯

着堂發幽悶豈但清與耳目謀川流衮衮來不斷雲

物粲粲生無休既從靜壽識至樂復於嘆逝希前修

張景陽詩川上之嘆逝前修以自勗注修脩通用遊人翕翕滿江頭隨所適

處心悠悠童子長佩褰江離女兒羅裙學石榴没人揚

波白魚躍舟子競渡蒼龍揆田翁野婦看兒戲詠歸

山暝風作秋固亦有志感時節欲起湘纍問靈脩人人

得處自深淺江山於爾無顯幽堂上主賓亦復爾各

各會意風冷颺宇宙無窮本如此我亦皓然希天遊

次韻史少莊竹醉日移竹

豔豔酒粧鬪姚魏真真花影逢石丁醉生夢死何如

竹三百五十九日醒

清如杜叟日卓午直似姜公詩作丁冰雪容顏儼相
值霸陵醉尉也須醒

平生自許歲寒操醉日移來三十丁底事此君亦移
轉連明風雨喚教醒

猩屐夜常爲醉魂役驪珠適與睡時丁外物移人每如
此人心可使不長醒

虞永康生曰

良知誰不有靡究復靡屆寸心日月明萬里天地解
握機洞消長觀物了成壞推行濟四海小試未爲隘
姓名旣轉聞正恐世網挂相期久遠看力與支末派
建立天地心透徹義利界即茲奉君壽壽行矣良自勸

安大使丙生日

往年天壓西南垂妖氛內訌胡塵飛鳥狐逃梁士扼
腕蜀山慘澹無光輝公以空卷題乳虎漠漠黃雲閣
平楚直將天理感人心徑斬賊頭報明主露布東馳
人嘯呼京師觀者環儲胥天顏有喜近臣賀大官高
爵來須臾中興以來幾變異宗祏之存如旒綴平江
羽檄走凶雛采石鯁舟戮狂獠至今勛名滿華夷與
公鼎立書旂舜公方退然不自居憂國之賢紛紛如絲
天之生公爲社稷南山不蹇石不泐願公蚤歸相天
子赤舄晨朝容凡几

次韻叔衍兄賀生子

一壑一丘耕且為不歌周網應非罷雲霧障日植蒙
密草蔓漫天山蔽虧生意正從芽葉露善根不逐斧
斤斯溶溶此理誰能解賸喜吾宗有白眉

錢章郎中變以浙東倉歸湖州

武陵城中春事濃櫻花欲開未開風常平使有謝朝
列袖有英蕩吾將東披孔翠來上馬去錦鞵長燭三
花驄先攜令名作鄉繡却把仁念為倉君紅世人機淺
嗜欲深便從扶木窮高春朝余蒼蒼梧夕縣圃何似緩
轡搖冬瓏曩余除官本同署至自萬里黑鷲燕鴻諸公
祖筵亂平湖復我不往心忡忡君今姑為粵人行明
年歸朝儻及同

送宇文侍郎紹節知廬州

和我八十年尺箠不施寸彼方元黃篋此但清紫植
懷榮保妻子是固人所賤或者倖邊功橫行請十萬
問學不素講利欲所薰煨紅旗與黃紙勇怯無定論
淮浦唇大江九重重分閩谷臺少常伯忠孝在寢飯
帝謂吾先正嘗遺蠟書恨汝今其聞孫未報君父怨
九旗下青真往爲忠義勸再拜亟祗命當仁不敢遜
黃金絡馬頭茸毒懸立憲憲先聲劇塞垣虜師不足遁
鄰里會方山踈余且有獻裴相昔守淮董師征洄郾
兵端寔熬放深入非始願况今相承平土氣方曼曼
民力苦剗創帥債未拊券如弱者禦盜高墉守關楨

破羗趙營田勝楚何縉堪但當強精神勿與角勇健
功名不入眼兩關待其困却攜令名歸太平待公建

題蔡氏叢桂堂

誰銜鷲峯種託根蔡氏堂勿誇却林枝未說燕山芳
君看湘江上千載留曾昭光但當護根本歲晚奉幽香

送徐校書知處州

峩峩海中山十二樓五城僊人駟玉虬徑上凌紫清
中道忽回薄珥符下玉京彤幘曜白日錦輿上頭行
扶桑撐余鬢緩步實作程世間行已地端亦勝蓬瀛
誰乎低着身啞咤聞新鷲何如攜令名歸以見母兄
用世無小大千里亦民氓少施五袴手竝錄屏風名

送王考功聞禮江東漕

分部設將漕，黠旒寄聰明。直須撼山嶽，亡但採崎贏。
而况江以東，襟淮翼吳荆。民力九十空，所恃人為城。
南宮輟望郎，方輸餉連營。熒煌鵠錦袍，明白趨遐征。
陽春脚未到，淑氣先流颺。向來嵇中散，僅試薶九京。
阿兄亦未究，有書今在楹。驅車踏前軌，若木以為程。
千里隔香案，洗目觀澄清。

送宋常丞德之知閬州

十年痼丘壑，厭食青山薇。不作時世粧，短褐懷明璣。
出門歌一曲，聽者有鬼為。飛方騎將軍，馬旋闖師氏關。
清名滿雙宇，宥畫裨樞機。便面障俗塵，不肯緇素衣。

一朝典儀最雲步方我魏顧懷錦屏勝見謂天下稀
形幘下青冥駿馬黃金鞵假道淞以東袖有四明歸
我來今二年幾度與客違名位偶君似臨分重依依
風節耐歲晚富貴倏晨晞相期久遠看勢力踵前徽

送黃考功 廣東連判分韻得漢字

涼風厲蕭辰秋事已一半同舍多望郎萍聚復雲散
得士良苦艱引去何浩瀚日日送行人青衫浹流汗
其間白石翁清廟之主瓊器采儀周行詞章輩楚亂
秘丘第一官脩途日未旰掉頭不肯住持節下霄漢
草木識清名風塵入長筭安得此老宿爲世洗愁嘆
同省並門居昔我綴華貴高標壁千仞臨分重嗟惋

相期紹前徽歲晚堪把玩

送曾尚右從龍知信州分韻得州字

長安十二門冠蓋如雲稠浮驂不停趨九衢滔滔流
朝握扶桑轡暮行背椒丘駕言往從之道左傷吾軫
溫陵有佳士清姿秀琅球蚤疇倫魁壘盛之蓬瀛洲
榮進付膜外寡欲自日休需章臣有母自詭以一州
彤襜下青堂錦輿居上頭小施活國手彫瘵會有瘳
同省並門居昔我陪清遊一時四同年氣味骨肉侔
而君堂堂去別被挽不留比商起層層夙蟲催功裘
問學常苦艱歲月忽忽逝古今同一岐古豈真難儔
願言事樵菘勿作刈穫謀會面豈不再為君剗雙眸

追送劉侍郎甲以寶制帥湖北

士從西南來落落僅八九半年北門道幾度醕別酒
清朝志興復第一廣英毅采采未及翔引去遽盈斗
矧今忠肅孫卓犖漢庭右清築儀班行其國懷為宇宙
居然輟邇聯空懷荊州綬恩章陟西祀戎鉞炫春晝
世間行已地隨寓皆不朽着意護本根虛懷閱忠厚
上游屹長城歸來秉機宥

送程左史驥以右撰知夔州分韻得重字

煙草暝江湖霜風纈郊龍黎明北門道雜遝冠蓋擁
程侯倦左城引去何太勇瀘江春信回書殿星極捧
帝念夔子國側耕地荒茸吏號食賦政煩室罄小人恐

申命亟移麾邀驅母上冢彤幃下霄漢環珮鏘璧珙
山川洗悽戚草木企孤篔簹斧斤刈伐餘急與護把拱
古人爲已學非以博華寵事業貴千載富貴不旋踵
願言樹風聲永作蜀山重

題謝耕道耘一犁春雨圖

床頭夜雨滴到明村南村北春水生老婦攜兒出門
去老翁赤脚呵牛耕一雙不借桂木杪半破夫須衝
曉行耕罷洗泥枕犢鼻卧看人間蠻觸爭

送陳大著晦知蘄州分韻得輝字

陳侯海內秀蒲腹貯明璣十歲能屬文提筆登王畿
上嘉魯論對亟授九品衣二十齊膺仕昱昱五采蜚

三十舉殊科尋闕師氏闡四十復見徵雲步何我魏
蓬萊三千丈徑上陵紫微顧懷蘄春勝驄馬黃金鞞
我來今二年幾度與客違於君再為寮臨分重依依
風節耐歲晚富貴時晨晞前後繼二呂迄今借光輝
元膺獻可
俱嘗守節相期久遠看努力追前微

題石興宗振讀書巖巖扁乃魯直所書

巖頭橘樹經百黃三少不生諸老亡只餘石間元祐
脚谷虛盡日鳴當當

送趙編修大全知眉州分韻登字

炎煒爍空臭火雲助其為冠巾拂塵土庭戶喧昆蟲
便面不停舉况欲填吾膺其間寂寞人隨念生凉水

涼意方未透一夕三四興造物解人意如叫呼得應
越鄉萬里回今名作先登固知栖栖者得喪初何曾
賢者於本朝曉宿垂觚稜今日送樞椽明日辭禮丞
采采木芻藿引去何如陵百憂結中腸坐挑短檠燈

趙為編修官常欲避蘇師旦
會師旦建節解都承即止

送范吏部子長知崇慶分韻得公字

陽明迪性分陰濁生塵泥蛟龍薄九空高逝縹緲兮
使可執柔而秦何異大與雞長安有狹邪曲曲復低低
主人笑延客雲棧登作梯客辭以未能所憂困多蹊
乞麾下霄漢萬里騎青霓去留本常事渠不喪所齎
秋風鏘珮環家在天之西歸來拜三祖歸路幸不迷

送蘇大著大璋知吉州分韻得章字

平生蘇太史清姿秀球琅異時玉堂對歷歷漢興亡
直作根本慮不懷棄捐傷脩名豈蓬島軼軌抹扶桑
中道忽回薄飲馬以相羊昔為同年友今為同舍郎
不肯三日別况各天一方我乞漢嘉綴君懷廬陵章
我無百何闕君亦千里翔懷賢慨時事百憂結中腸
願言保嘉猷不愧歐公鄉

重校鶴山先生大全文集一

重校鶴山先生大全文集二

古詩

送周架閣南以浙東提幹歸平江

共惟仁義心無賢愚壘在紛紛萬弓箭獨以寸鐵當
毫釐有不察居然失其鄉察則我固有而失豈真亡
周君海內秀清姿競球琅牛刀十九年猶顧善而藏
用世無內外意行獨安詳乃知旦晝物特為弱者彊
許時京塵中解后兩匆忙前日同李郭近陪西湖之遊它日盟
范張嘗有虎丘之約豈謂客逢客乃或得相羊此道日寥落此
意誰平章為人作生活悠悠老扶桑勉哉迪嘉猷歲
晚垂今芳我亦從此去後會丘之陽

題沈氏書堂

吳興沈聲甫示我書堂圖枕松被脩竹帶江衿浮屠
堂上新牙籤吞天祿石渠出受山水謁入與聖賢俱
兒輩紛華悅子獨文字娛是心儻無數已足光韓會
吾聞學者事窮理以返初為人祇禽犢鑽紙成蠹魚
勉哉師友功千載沈氏書

次韻德先步月荅所問語

三更端正月皎亮直瑤京客問心之體無言對太清
夜景湛虛明浩然無與京如今蘇氏婦但指聖人清
霽月光溢浦吟風歸洛京迥無纖雪鬢千古識真清

次德先韻

二氣同一根本體浩兮淵可見川上逝未發心下泉
眞機亡停息果剥根長鮮定理亡將迎塵境地自偏
形神既外發何者操其權芸芸萬感通存處元寂然
一物一太極不間大小年隨處無虧缺并居而用遷
至人配天德知周物之先學者事何事省察於眇綿

次韻虞永康 剛簡廬居生芝

河南富貴花人與譜姓氏惟茲三秀者不譜亦名世
肖形草木均出處哲人似無然而致之朝菌何異此
廣陵張氏廬厥應繫孝祀新豐李興塋脩柯嬾白紫
意識物皆誠人瑞草亦瑞蕭條菴水瀕五子服喪禮
松壑侑夕悲竹牕前曉泪根基由內心樸實無羣砌

一朝望室左五色芝蕤蕤乃知宇宙間何處非實理
誠神本同機應感不失儼充周徧範圍存養司諸已
是心一息妄目接猶虛偽若日信機祥我亦為祝史

韓叔冲約客泛舟滄江分韻得落字

落日放船好
輕風生浪遲

炎燁避無所意行出東郭客以聲氣聚舟於樹泉泊
江動虛空意聞林幽鳥聲樂山川孰流峙鳶魚自飛躍
天分隨所適豁然無空闊有客猶謂余底處認真活
是日坐客有問余以鳶魚
及程氏活潑潑地等語是心無間斷本體自呈豁一笑各

會心星河挂碧落

贈僧祖淳南游

吾少不學佛五道聞之嘗虛靈一寸心無賢愚聖狂

人惟不自信泚泚歧上羊師今緊尋覓看是真有士
如行人貪程如久客念鄉一朝眼發明家山儼成行

寄李考功道傳

虛靈天地心疊疊萬化機幾形有動靜誠盡無顯微
人惟不自信稷顏有相違居人憚寒暑遊子行不歸
誰知炯然存彼物乃吾知高人真畏友聖賢吾師師
和李致政花石山詩

春風挽征衣淑景薦邁實山中之奇觀變態紛襲積
或劃然以舒或蒙然以密或撫如脩眉或突如巨迹
或驚鳥將搏或遊龍借出一目百奇恠隨景發詩癖
江山昔豈無萬古閱閒寂而獨陳於今涸我風月筆

便如遺俗士高卧天一壁人知匪自獻不知亦奚恤

次韻黃侍郎海棠花下怯黃昏七絕

狂風利劍戟火龍困屠宰莫起落紅愁生意浩雲海
曾訪郊原春靜觀煙雨妝因物得良晤諒非昔如宗
唐人春深題用韻工車斜逐逐語言去誰歟真識花
臨川數落花康節愛花謝若作榮悴觀此特花之下
穉綠茁兒拳老紅面百摺詩壇更伏波令我逢敵怯
天運自消息詩人費平章何花春不紅何草冬不黃
醉妃索南內玉奴斃東昏所以觀物心皇皇妙無門

題劍門

江有瞿唐限陸有雙劍躡如龍巖當道如虎豹守關

屹然東北隅奠此西南坤昔歲在單闕白日塵沙昏
人心不足倚恃此兩長垣舟車之出入筦鑰有司存
銜臚下魚復委轡充劔門藪逋乃如此天險何足言
況於多蹊隧不逮昔所聞烈烈張睢陽英英顏平原
古之善守國人心以為藩

題大安軍揚寶謨

旌忠廟

范陽一夕鞞鼓鳴莽然河朔惟孤城姓名徹聞帝猶
謂我乃不識顏真卿人才所用非所養自昔然矣奚
獨神肘閒銀黃挂三組腰間犀玉圍萬釘養癰護疾
皆此輩事危先及城郭臣求仁得仁性情正可死無
死分義明豈徒一時折羣醜將與萬世開太平我嘗

辱交於神者寤寐精爽如平生過祠解石日端午昌
歎之酒芬兮清要呼湘纍徑同醉毋使二子稱獨醒

出劔門後日履危徑戲集轡兵方言

籃輿陟險隘兀兀不停轍主人眩頭目僕夫困唇舌
前疑樹梢拂後慮崖石擦方呼左畔蹀復叫右竿捺
避礙牢挂肘衝泥輕下脚或荆棘堦挂或屋簷拐抹
或踏高直上或照下穩踏斯須有不審價輿在目睫
深淵固可畏平地尤險絕作詩告僕夫審諸秋毫末
識察既曉然力行謹無忽

過大安軍黑水阻漲態崇道觀以需漲落乃濟
川遊不停息雨集有滿除卓哉鄒魯叟即茲驗功夫

寄題王才臣南山隱居六首

莊敬日強齋

天以行故健火以宿故壯卓哉主一翁挈我洙泗上

格齋

水非石之鑽索非木之鋸一日復一日會有豁時處

南谷

我行半天下夢不到南谷健讀諸老詩劃見真面目

竹亭

西山抱孤潔淇水凝寒綠古來長安道多少閒草木

松庵

受命獨也正巋然十八公人獨匪正命胡然不如松

臆亭

膏雨炯晨沐和風照春睡誰與驗其機蔡軒一臆字

謝安大使 丙見遺白玉環

寶刀切寒玉解作環無端連出楚詞長曲貌虹貫日晶潤晴生煙

帝省岷嶓下冠珮人聞聞迺飭坤之靈效貢窮山淵

不以他物效以是期公還維公偕息意地寶弗敢刑

玉汝不汝瑕來墮玻江前因思取予義僑也辭韓宣

落落竟弗合而此微末旃服之報安所我無青琅玕

圭復以為謝不踐如斯環

送二兄三兄赴廷對

吾家今兄弟異氏而同氣雅知義利分不作温飽計

天子龍飛春了翁對軒陛柄臣方擅朝黨論如鼎沸
軋軋不能休一揮三千字植治貴和平用人戒偏陂
天子擢第一期以風有位尋寘之三人仍詔恩禮視
後此者二年東瞻復聯第天子方諒闇有言不得試
歲行在協洽文翁陳讜議惟知守家學寧顧觸時忌
雖不第甲乙自謂儻無愧古人為已學何有於富貴
窮則獨善身仕將以行義兩兄西南彥九牧將倒拍
平生剛直曾毋以科舉累矧逢主聽寬寧復懷顧畏
厥今果何事請略陳一二內無王文正誰與理家事
外無韓忠獻誰與飭戎備英威守羽林震雷誥冬瑞
天象已云然人事猶爾耳劈折為上言卓哉朝陽喙

却攜令名歸為親一啓齒

次韻虞果州剛簡泛雪

黃雲飄颻風雪天欲之霸橋尋浪僊爐中楮袖繁寒
客縱欲燒愁能得然撥交嚼句不忍吐竟日南望雙
眸穿誰知詩來亦念我字與六出爭明蠲美人美人
呼不來昭華吹怨樓西偏况有山頭月為友觸撥煙
痼撩詩顛豈無詠絮謝家集亦有閉戶袁安眠未如
山中之至樂白玉世界天相連朝看夜聽兩哥絕靴
霜爐雪知誰賢寒裳急理剡溪棹明月已旁羌江還
羌江白雲遠親舍北山夜雨鳴清川世間真樂不易
道此以意會非言傳惜哉往日不可再江頭望君如

望丘研新筆凍不成報夢中書劄來翩翩

約眉之寓公飲郡圃梅下分韻得動字

窮陰隊殘年小雨雜寒凍野迥山色枯木落天宇空
殺勤玉雪友歲歲管賓送孤標耿黃昏清豔橫蝶竦
從渠忌皎潔孱顏立孤聳半年簿書塵間殺果下鞚
林端劃見之撩我潑春甕芳菲惱不徹喜與良友共
花光留夕陰鳥語嘒清哢羣芳去無蹤生意正空涌
因懷武陵日歲上西湖冢粲粲萬玉妃蕭蕭守翁仲
誰知落天涯惠然復我從暗香疎影句爲我作詩供
心事炯如霜客遊恍成夢歲窮萬物息誰此役羣動
曾取春風心處處得日用

虞知府剛簡生日

皇天覆后土藐然吾一身職職萬同宇何所非吾仁
人惟不自信私意橫紛綸君侯覽厥初渾渾川無津
百家之精粹六藝之芳醇挹之未厭歎欲以警此民
天機行日月大戒明君臣一源顯微貫萬象曉晦新
焉知我爲我聊以人治人胡然閔厥施膏澤猶其屯
意將楸所養切磋及茲辰余也義眉陰君兮滄江濱
生生共茲意不隔江山春懷哉寧無車有繫未可巾

王總領鉛生日

古來五大不在邊國家長慮初解絃西南計臣授鉞
鉞獨以一手擎半天三邊將士趨節制百城吏民服

威惠載宣寬詔問無恙扶藜往聽翁顏喜我園爾土
居未怡室家僅葺風雨欺波濤法泫泫逐風靡山色澹
澹憂陵夷機空絡緯那可織徽穿虎豹疇能識秦門
夕燧雖平安燕帳秋弓未休息翁顏且喜舊觀還尚
恐世事愁無端祝公爲民久遠慮憂顧期使西南覽
羨官厚祿等閒耳得君得時不易然君不見富公在
青州多於中令北四年

重陽前一日約寓公飲于新開湖之西港有
歌詞者其亂曰會與州人飲公遺愛一江
醇酎遂以此分韻賦詩其得一字

吾州遠景樓爲天下第一下有千尺湖長虹倚斜日

煙雲紛蔽虧草樹玄蒙密人既位通顯湖猶困遺逸
一段雲錦機割截不成足我來劃見之慨然爲拈出
凹者豁以舒凸者疏而溢乃取半山句以榜湖陰室
晨舟亂平渺日晏未云畢客喜以問余幻成子何術
余非龍襲而致彼有是良質牛山木嘗美茅徑人自窒
一笑各會心涼風送蕭瑟

次韻李參政壁湖上雜詠錄寄龍鶴墳廬

龍鶴在吾西昔年班荆處乃今五斗米繫之不得去
冬夜那何晨斜河耿高樹

木落天宇空野迥江水碧誰歎驅四運昨夕復今夕
君看瀛海內壽考匪金石

聖死微言湮千載迷津涯浮駘編八極日暮猶伊鷗
大道如掌平人苦不識家

南山高崔嵬草樹蔚喬林雲橫日曠曠蟬鳴谷隕陰
戛然丹鳳味為我作好音

時聞真景元直前奏事

西山有佳人慣踏山下路晨吟澤畔雲午睡巖前雨
莫使兒輩覺奪我林壑趣

仲尼趨聘召季路奚不擇分量固爾殊何傷於遍歷
自揣或未能莫如只堅白

皇天平四時先春而後秋寒威奪仁氣慘慘紛百憂
康世非我長自許以一丘

古人為已學不以遇不遇學問思辨行止定靜安慮

九全卷二
次序固曉然人情苦傷遽

百年狐兔窟汙我黃河流
槃槃帝王州僅與甌脫侔
秋風壯夫淚禾黍莽平疇

江左憂佛狸荊州忌老瞞
既虞薪下火又恥泥中蟠
不虞復不恥志士寧無嘆

大享惟同人小知僅私已
皇皇萬井封耽耽百重陛
爾病寔余恫須知本同體

南園鼎盛時紛紛車馬跡
須臾風景異樹老春寂歷
盛衰那可常此理最明白

世有傀儡棚帳幕深遮圍
衣冠巧裝飾觀者迷是非
自謂真好手不知若爲歸

續和李參政壁湖上雜詠

陰陽互推移氣數有信屈澗松發貞姿庭梅暎生色
雖無桃李容相相保終吉

氣力與運頽十步九蹉跌聞有用我者掩耳忽不悅
吾非嵇康徒道遠未能涉

虛靈一寸心攻者十七八炯然無常存精粗皆著察
衛丘駭牝蕃魯囿牛羊茁

古之求仁者信道不蘄獲顏生何所樂寧蹈饑寒厄
能知四勿功六根本非賊

嚴君閉有家富之以其道幾年困外禦囊空甑復倒
家人良自勉歲晏願相保

晉當胡運衰厲世先黜陟當時望塵友有識所憤疾
云何祖士稚不似劉越石

人心不可欺好好而惡惡利欲怵迫之本心月以落
所以古之人憂在晉其角

西郊訪梅約李提刑 至李參政壁 八客分韻

得爾字

荒煙散牛羊落日下城市天寒萬木脫歲晏羣動弭
西郊有孤芳獨喚春事起幽光耿參月清豔明野水
欲開未開時似語不語意或疑春較遲的皪尚霜藥
誰知春風心渾在阿堵裏洞霄逍遙公九隴花月使
領客居上頭蹇予亦婪尾頗懷去年遊歲月如許駛

悠悠竟何成，摠被物化使。索酒浮大觥，歌商曳窮履。
真意浩無窮，作詩聊復爾。

梁運判論生日

有歌不必歌，吳趨有舞不用陳。巴渝試聽天下紫雲
曲，着意自與人間殊。益州刺史梁大夫，高冠長珮鳴
清都。秋原方集迎車雉，春風欲送升平鳥。却思忠獻
海棠處，少日曾此扶親輿。問天乞英蕩，叶氣爲先驅。
有酒皆卽清，有書昆貝腴。人逢善旦稱吉祝，六引三
調何虛邪。勿言商聲苦太勁，爲國綱紀正要渠。厥今
事勢將何如，鄰家盜起翁無襦。乘風縱燎未渠已，我
薪未徙屋未塗。天之生賢，端有意乎治。况是公規摹。

儘將吉德爲壽本扶桑自昔無榮枯

貽廬陵術士馮椿

月宿南斗韓愈生歲在巳辰鄭元死二人言命是邪
非我欲質疑於孟子

浣花即席

輕颺濯祥暑清與耳目謀江山新容態真意爛不收
榜人以戒余將事東郊游川后且靜波馮夷亦安流
聯鑣載羣妾駢進駕方舟月中亂平渺高春尚夷猶
俯瞰大江橫仰看蒼雲浮滔滔去不息疊疊生無休
俯仰三太息發我心悠悠未省昔之人曾有此樂不
團團轉蘭杜突見龍棹頭闕然兩敵國蒿矢迅不留

所爭何爲者對面如仇讎
火須遊人散天暝風冷颼
清興浩無極洗醖更勸酬

再和浣花韻呈李彭州

至李參政壁

蹶然一開口天也非人謀
江山自舊巒風景仍新收
一門令兄弟而我從之遊
衛玠珠玉側李膺神僊舟
主賓有良晤兄弟無相猶
雨餘白日靜江遠青天浮
相彼宇宙廣覺我心休休
世傳浣溪女聲跡疑謬悠
靈均亦已遠英烈今在不
又懷唐拾遺泯然哀江頭
陵谷幾變遷屈孟獨長留
於此本何負而以德爲讎
因時慨前哲坐久風颼颼
良會惜難再作詩以相酬

重校鶴山先生大全文集二

開化圖書館
kaifu library

重校鶴山先生大全文集三

古詩

送趙茶馬師芳東歸

又因送客朝京闕意行偶過山之陽檻開岷嶺半夫
雪簾捲峨眉千丈岡斷霞明空暮春江白密陰藏兩秋
原香客歸便可報明主滿川看看秔雲至與

李參政壁生日二首

湖淺霜鴈寒天高老龍蟄悠悠瀛海間時運逝消息
黃鐘一龠回槁瘁亦敷澤茹茅趣連征堦戶同一關
向來屯陰地有果終不食存之迺天意斯道古根極
公論無消磨物情自喧寂喧寂安足計秋雲卷無跡

請公護景光春事勤種植明朝揆初度萬象好顏色
至後一日二年老翁泉親酌石林壽林翁硬如石跌宕舞
手醅顏照湖山麗藻濯花柳牛頭望暮雲願開闢幾煙
岫江梅驛堪寄湖水觴可侑林丘一曲閒事禁茶千載
就屢亮亡有真寶貴萬因變無雜揉用之還帝師歸則赤松
友蟠桃堪一嘗世味不同嗅得書方醉歌癡絕記前
守

次韻郭方叔諸公借胡致堂賞梅至夜賦詩
互陰作秋冬殺氣萬風雪土深候蟲閉山靜飛鳥絕
誰知無邊春萬古長不滅或暢然以舒或凝然以結
或聚為融和或散為騷屑又嘗以此觀諸人生意不

斷長如薰咸陽宮殿氣成霧忽作芒碭山澤雲神爵
甘露來紛紛畫堂已入王政君人從動後觀變態誰
於起處探細縕淺者若爲見夜氣長如神儻知起滅
幻便省消息真如何天機之淺者但識人間桃李春

次韻劉左史 光祖 王亭觀梅

南山有佳境天作而地藏誰其搜抉之主者今歐陽
時當夏候最靉靄雲無光爛嚼暗香句浩歌黃竹章
詩成物有主意遠天無旁衆賓從老守遙林拱孤芳
氣味自爾殊凡卉不敢香芸芸天壤間何草冬不黃
獨此冰雪質老氣磨蒼蒼便如身潔人易知復難忘
頗懷熙豐日羣姪偃冰霜皓然深衣老春風貯肝腸

扶開第一機還作桃李鄉終然和自非實以侑千歲觴
三嗅幾而作臨風倍輕狂

題潼川倅廳先得月樓

濃雲捲幕衡嚮北天風不搖萬響冒心蒼
行絕沙踏科曰顧菟茫茫長在腹本來全體自分明
日用其間人莫識弄丸之暇劃若逢笑拍闌干我先得

和宇文漢州

乞房樓記詩

房公曾中妙刀尺翦刻玻璃貯寒碧
今侯看樓於其上竹色荷光得良覲
詩來殷勤問故侯別日雖餘情轉密
因思當年飛蓋遊鷗鷺不驚潛鯉出
春濃雪絮人影亂秋老雲松半天屹
蘇公二十四橋月尚愛西

湖風月夕江山好處餘戀嫪縱不即入人自即况今
簷椽掠雲與齊激楚高歌友朋集向來寒乞翻自嗤詩
掃黃泥已無迹功名老我後加護文字餘人先奪席
欲搜萬象供刻畫自有此湖難此筆終當爲君記斯
遊摹寫蒼顏真具六一

約許侍郎奕諸公酒半宋正仲德至自都城

人生能得幾回別一別公來四千日我騎紫馬出行
春公指黃扉入當夕誰知行止不關人解后天涯復
同席方看紫陌爛紅英忽復濃陰穎青貫斷霞明
空白日靜過雨穿林亂雲濕如夢如夢豈邪非曰歸
曰歸歸未得棘南山翠東流斷隔西雲霧北風急酒

逢故人一吸易語及新事百憂集試問吾歸將何歸
梓州遂州有何擇况有青山老居士千騎東來闖然
入更得可人高帝孫又忻未至臨邛客儘判三日作
狂醒要話十年曾怙塞

登元祐閣次韻李左史皇所和范滂州表詩

飄風吹面酒無力萬響只搖搖不停息主賓巖然立分
鼎抑抑威儀長不忒冰槃時薦櫻筍香烏然快酒誓
微墨夜深山靜天四垂悠然發我真聞識

臨川過椿年永叔植慈竹義木於庭迺榜其

堂曰慈義索余詩

冬筍與霜華孝可使之生老槐與枯荆義可使之榮

芸芸天壤閒何物非吾誠根心貫芽枿影響曾於形聲
過君資孝友早識真重輕一時東南彥意氣何相傾
虛几隱天籟深居觀物情慈竹吾父子義木吾弟兄
夜簷月送影晝戶煙輸晴與我一般意乃作堂堂名
竹根頭觲觲下覆復上承木以同本故葉葉皆相親
承覆匪強合相親誰使令茲有靡不有斧斤日丁丁
願言厚封植歲晚長青青

潼川憲司拓圃築亭取康節語名以四春得

古詩十二韻

皇天平四時不以秋先春在人奉天職不以德後刑
次序固去然表裏元相因方春布陽燄萬物皆精神

當秋乃稔歟黃落山川負天機之淺者榮悴爲戚忻
誰知天地心於此常肫肫旣嘗驗諸理又以取諸身
四德孰非元四端孰非仁刑威雖時用生意固長存
四時長有春吾聞邵子云觸事識初心乃以名吾亭

遂寧社稷壇與風雷雨師之壇混爲一區其

間多悖禮者某偶攝郡事因爲隨事釐正

始余求諸社窮巷窈而曲草陰荒蒙茸林影亂撲檄
其中有屋廬其下主以木社稷風雷雨皆於此乎告
趨閭不求陽如叢祠而局就簡不辨方如古墓而族
引我拜平上高床被茵褥使我視所陳紙幣薦鄉燭
爵不以坫眞酒不以茅縮牲不以碑麗齋戶不以宿

於禮無所稽承訛已云孰從之則咈余不從亦違俗
是心既不慊雖暫亦爲瀆屋至不受天陽此豈容有屋
先易其甚者餘事踵相屬其有不逮爲則以告新牧

次韻張太博方見貽二首

門前車馬塵滔滔試問有誰閒似我夜燈照出千古
心曉窻制手破重玄鎖

別後幾如隔世人閒中認得當年我清風應倍笑譚
來明月不隨門戶鎖

再次韻

眇觀千載苦無人窺見一毫先有我雋尚敏旣爲文宗
誤高明又被玄虛鎖

我嘗妄喜意於古人子今用力苦先我安得從容長似
今借子玉匙發關鎖

次韻張太博方得余所遺二程先生集辯二

程戲邵子語

文字未科斗圖書未龜龍粲然天地間此理觸處逢
是謂象之祖而為數之宗吳犧古神聖先得人所同
文因而繇之日出亦並雄訖于我孔聖天命滋益恭
渾然一理貫密察而從容辭變與象占四者固所宗
推辭以知變象占在其中荒荒秦漢後學者昧所從
不以災異會則以虛無通天開周程子易道乃復東
動靜靜復動終始始而終上承千年緒下起百世風

同時有邵子講道于伊嵩
高天地之運化陰陽之無窮
即物驗消長先幾知吉凶
邵子極道數獨立幾無我
助世見二程自周孔為時
開夢益其歸則一耳昧者結
神神學之將柰何矧余倍
顛蒙要知義氣皇心須踏周
孔蹤

虞萬州剛簡生日

春風吹我游錦官
客眸飽作滄江觀
鶴飛自由白日
靜山來不斷平野寬
主人聞客倒屣迎
案頭點易朱
未乾速呼朋儔俾
接席又遣兒女來
拜前館中列鼎
食客衆堂後鳴鍾
聚拍千客來輒留
張坐飲客醉復
與開榻眠主人投
閒六年久祿廩不
繼胡能然問之

主人笑不言神情散朗心常閒向來曾於我乎偵至
今尚質黃金盤又聞吾兄市橋尉假五十萬青銅錢
橐中似爾空亦屢門外車馬紛闐闐其間猶有不知
者誤謂公子非儒酸誰知出分本無幾况復奉賜隨
分班知之不知吾何恤日用飲食於其閒西京相裔
平通侯輕財重義無敢先三年田家未云以便懷富
貴譏南山節侯有子章少翁亦以明經世其傳爵之
附庸有何薄徑欲忍愧從夷蠻人於居約視所守又
以久近察所安近而不渝黨可勉久而無怨良獨難
不須遠求漢諸公姑復近攷今時賢雖去暫閒未嘗
約一念長作膏火煎戚然不能以一日寧復如君之

六年泉無書晝夜蓋有本潦有朝夕繫無源歸來試與
友朋道言之孔易行維艱厥今人物眇然甚天道豈
不於君還友朋請書爲君壽更祝養素勤加餐食

董侍郎居誼生日

右皇一念根至仁地雖南北民吾民一二指搗不可
信彼動此應關諸身人言大戎相噬吞彼蚌鷸耳吾
漁人大國信誓方重申時遣升夕蘇窮鱗有狼其心
不我恩囊書赤白驚嚴宸 帝曰可矣予其征臣某
奉詔之淮濱臣某董師留漢濱西南憂顧誰其分我
有從橐之親且時其動靜制主賓自闌以外惟將軍
邊頭赤子方寢薪旆旌悠悠鳥鳥馴將軍羽扇白綸

中且將沈靜弭放紛邇來世道波汙汙士爲歆縛迷
天真開禧戎首終身焚未聞先事人有言大官一唱
和者羣前而和之後云云厥今狂獺先信信事勢不
與開禧倫方拯執獸招飢蚊此何爲者祇自塵志士
憤惋三軍壘置之不治虎患存治之不勝桃蟲并勝
之不盡窮獸奔盡矣復與誰爲鄰譬言諸白黑方交枰
彼據腹脇吾邊唇養成持勢猶不均况彼攻奪吾邊
巡局勢往往隨時新不有妙手誰彌綸人才生世厥
有因帝賚天假松降神一心可以位乾坤浮雲軒冕
何足論祝公早還要路津并包衆智資多聞倡明大
義清妖氛攜持令譽歸麒麟蹇余不能康世屯語溪

有石高嶙峋儻能奔走東郭綆

王總領鈇生日

皇天覆后土藐然中為人職職萬同宇何所非吾仁
一二指搖耳動且關頰呻置之非害事尚欲求其信
矧今我赤子犬羊所噬吞養之將遺患迫之幾寡思
猶以赤子故未忍窮追奔蠢彼不我德羽書驚嚴宸
帝曰斯可矣戎首將自焚一軍戍江介一軍留漢濱
雨中徹桑土火後憂突薪又念蜀上游擢才餉吾軍
蜀力如蝸涎僅足以濡身云胡走荆楚坐視空川秦
天下本一家奚必爾我分獨憐去天遠緩急呼不聞
公今從此升於國擬世臣家有憂民譜切磋及茲辰

直前明分義卻立思本根豈但無怨公此志長光新
抑使蜀父兄壽公以峨岷

歌詩二十五韻送前知隆慶任侯逢赴存

向來虎豹蹲天關啄噉人命無敢干任侯于時外小
官有筆如刀剗權茲權茲未夷骨先寒有開天誅亂
旋刊寘我宗社于山安忽馬倚伏不可搏天心克復
理好還是時增秩綸言放扶聳義烈增壯顏邇來十
載國步艱思以吉士儀清班侯今以選賜之環進退
語默人所矚侯以時考以事觀慶元眎今奚易難浮
驂妄轍紛多端大車檻檻長自閒中原胡塵暗河山
行人載書墨未乾深仁大信而敢奸彼民元黃走蠻

簞我復翦刈如草菅惟
皇上帝憫人寰嗚呼言之
鼻辛酸侯兮去去心體胖
允矣直道非俗觀士所欠
者非朝冠要令反覆耐
以看前陳亟與據肺肝
且使志士興長嘆謹言
此士嘗譏韓始終激烈
心如丹寘名大小任公
問

領客君子軒木芙蓉盛開分韻得紅字

白焯司節青女戒霜草木落而變
寒春秋忽其代序偶偕勝引往
踐蕭辰得之若驚寒寒芙蓉於木
末懷哉無斃知松栢於歲寒
客有誦韓公叢紅之章或遂舉
白傅車斜之例觥筥多又詩令
載嚴旣訖賡誦寧無

序引

天公富萬有盈字何充充秋風一搖落所得緣手空
忽於臞悴中覩此寒露叢夫然真富貴送盡人間窮
雅傳與騷經凡卉亦見容胡為抱昭質一盼獨未蒙
或訝未未寒或比水問紅至近前上處至明日方中
碩人亦保保於此猶不逢莫我知矣夫佇立看秋風
重九後三日後圃黃華盛開坐客有論近世
菊品日繁未經前人賦詠惟明道嘗賦桃
花菊外此無聞焉因相與第其品之稍顯
者各賦一品某探題得挑花菊
南陽有佳人被服長脩嫋黃中繁有章秀外青無華

朝飲晉柴桑夕餐楚長沙惟與高人處恥作流俗夸
元都有俗士品格固爾美遭之以潘沐強欲相塗搽
南陽笑謝遣於此我何加遊女蕩春風漁人眩紅霞
爾比子於是豈欲相疵瑕鄉自用鄉法吾亦愛吾家
寄聲謝程子爲我刪此花

次韻薛祕書

絳

見遺玉臂格謝書則堂扁額

人心之精微未動孰爲判邪正介然形君子小人斷
熙熙大雅歌洋洋關雎亂或覘時安樂或識世屯難
是惟言出口矧復書脫腕至著快人文至微極幽贊
或者藏其心外飾徒璀璨誰知敬肆聞德之所聚散
卓哉符溪老吾道真資禦捍萬殊錯採中獨識一理貫

反躬事省察憤世興寤嘆揭堂闡斯則絕識陋秦漢
於余或有所相謂畫可玩無物報瓊瑤作詩附筆諫

飛雪亭

自荆入蜀路險絕墨猿聲中膽欲折萬州江頭舍舟
楫又趨擔登窮岌岌業危磴連雲如積鐵亂石砭足十
九跌僕夫流汗馬吐舌遙望盤龍柱天背懸瀑落巖
噴霏屑中間有亭曰飛雪十里陰風寒入髮人言此
地無六月火雲射地人不暍誰知利欲所熏灼以身
試險車結轍伐性焚和火如烈試於此亭解羈紲呼
取大斗酌甘潔一飲令君消內熱

張義立

方得古井以木爲甃凡命曰身泉而求

余詩

井居安其地井通會其時地維人所宅時乃天之爲
方冬羣動息水德潛清滂而隨春木升環頂沃華滋
性情固下潤功用由上齊躋孰若無事中一降一騰
之是理契天運遠觀正在茲張侯得木井妙製參皇
犧其間相生意似非俗人知堯廢幾何年而獨與侯
期書來屬蜀共賦此理難下詞但於井之象發我深沈
思且如初升五泰通人所資乃於巽入坎中舍兌承
離通塞靡自遂睽遇若有司坎惟生於一孚實以爲
基世途自亨否我德無成虧屬侯善疏滄母俾織塵
緇不食吾不即食之吾不私小大隨所汲辯義而審

施客來問出處為韻首泉詩

重陽分韻得放字

層雲生夕霏寒雨濕青嶂平生愛九九誰謂不可仗
盈盈黃鞠華采采鬱金塗點檢襟袖閒清芬固無恙
門前秋陰陰席上春盎盎惟餘憂時心忽忽未肯放

鶴山先生大全集卷之三

重校鶴山先生大全文集四

古詩

補和李季允真去秋所寄凌霄觀詩

天高山園坐露下月滿樓其間倚闌人古今入雙眸
戒哉後時懊迨此先民憂匪緣冀求魚懼易或喪牛
瞬息起萬夫朝暮食千頭金湯蔽遮地我豈爲一州
餘力事層觀翬飛半空浮簾開六合晷杯納萬頃秋
燈火背城市煙霖俯林洲遐晞到冥鴻吟思追馴鷗
寄聲鶴山我奪自珊瑚鈎因思去年夏狂魂晝羣遊
婪酣飽溪壑磊砢豐渠西諸公正錯愕如築于道謀
微君且柔之尚保國邑不山及業變怙妄嘖呻起懼謳

宜恢奇傑觀使此夷憚醅獨憂解成緩萬古同一流
君毋觀上游觀上增嘆愁南有壺聚橐西有耕耨耨
北有不庭方東有不寧侯君看此風景便謂無事休
天心果何如年連不我留相期懋明德事業貴顯幽
汪漕使即梅園作浮月亭追和古詩余亦補和
一元播羣卉其氣清以馥詩人競稱許胡然於梅獨
黃宮播雷鼓玉管動葭藪惟梅命於陽清豔照撲款
正冬白堆牆初夏黃遶屋純乾稟自高吳止香百斛
又從晏陰後仍作來年復番君爲築真揮弄月盈掬
可敬不可玩醉語懼三瀆

約客十有二人汎舟東山分韻得大字

樂莫樂良朋同胞羸海內矧復聚此州此樂無乃太
晨策披曾巔夕篙汎晴瀨我知鑒余衷爲我祛宿靄
空碧隨清鏡帝青倚高蓋明曛照鷗心遐思絕鵬背
信知好乾坤不出天地外人生兩儀間豁豁如許大
萬古同一流誰能與心會丁寧黃頭郎爲我勉乘載
直下浯武江合處看重允

次韻西叔兄日食地震詩

正月太陽食六月陰妻萋利沔階成間桑土爲塗泥
破山覆橋閣灌城壞河堤蜀地五六震積潦傷農畦
梓州暑尤異我與看朝隲出逢七十翁覆敝衣無綿
前行爲余言老夫齒含齟閱事亦已多近聞何垂朕

去年大官括隱久又嗚子謂妻悲啼大官深居那得
聞小吏鼻息干雲蛻今年得少林北風苦凄凄番軍
襲江淮將士敬馬噬臍四方靡非所寄容身僅坤倪
又如此寧保梁益西太守聞此言惕如履復征鼙文見
廣文詩口呿心沈迷力能得為僅千里滔滔四海皆
餘黎

約書院諸友過石洞津檢校隄役

天闊山頭頭江空石齒齒清霜肅宇宙物物露根抵
是開明年春萬彙從此始人事胡不然臨流方識水
斷岸百尺懸赤子命如寄示人亦真切猶作秦越跡
我憂不能釋人謂我俗吏吏安能俗人亦人自俗爾

神天及遊衍忠信在參倚是間炯然存精粗莫非事
况逢道義友眷眷不余棄至理互相發俗氛安能滓
夜寒人欲歸漁火颭清泚照我方寸心悠悠發長喟
至後再見大雪楊尚書汝明約登天開圖畫
閣分韻得平字

天公閔赤子踊為營杯羹寸白未云厭賜以一尺平
微陽動黃宮萬竇隨茲萌蝗妖坐遠屏癩鬼亦就烹
東鄰文昌伯志氣為我傾攜朋樂時豐舉酒澆空明
忻忻各有適耿耿未忘情不知宇宙內肯爾同陰晴
前時聞 帝輦隨雪登山亭亭高一流眴淮楚接神
京新毗正露立舊成方良征

送劉寺丞赴浙西提舉分韻得霄字鹽官

縣以海漂蕩命劉措置

君王位三極五氣咸宣昭有一弗余若引咎自已招
如何坵甸閭閻膏敢為妖母謂一指搖能使身無聊
是用選膚使汝往鋤其驕將指得若人譴異不足銷
水生乎天一陽實為根苗疏通乃循軌壅塞逾敬焉漂
是理與政通更當省厥猥續成報天子鳴珮行青霄

閣學素侍郎變以朝鯉養龍兩圖見寄索和

朝鯉

物生宇宙間巨細統有宗鱗蟲三百餘厥長稱維龍
滄霧彌六合神淵閱千重維時赤鯉公坐制織鱗窮

纖鱗何足言什百來追蹤亦有橫江鱗望洋喪其雄
于于圉圉然等辨殊卑崇一鱗掉頭去劫心然若將終
三公不易介誰謂惠不恭魯生陋漢儀商皓嬰秦錄
行五豆之所安匪以驚馬愚庸又如秦漢後俗學千載同
卓哉無極論上配禹孟功吾言聊自警毋謂惟少通

恭龍

乾坤包萬有納納百囊罟人位乎兩間利與害為御
一氣貫四時五風借十雨神龍以為畜擾御不予侮
河有比月負圖庭無滌流女義理之不明人情自疑沮
範圍吾職分往往若違拒同室操戈鋌一身隔肺腑
帝王豢龍意棄道那復取四靈非不靈有不得其所

生息之相吹古今鎮如許古人體天意萬物我其主
蟲草不知於龍拊循如士伍今何故無人亦足驗曾府
聲和鳳來儀心平轡如組矧伊人中瑞治亂係嘿語
欲入而閉門誰出不由戶茲事關人心作詩附農圃

送秦都官甫知徽州

英英蓬省郎表表秋官屬勳佩行青霄揚且鬚雙綠
掉頭不肯住去作新安牧班班萊氏衣粲粲學李服
歸來拜郎罷堂前問涼燠新從天上來猶帶書傳馥
問汝得人誰袖有兩圖軸驪龍披風雨閃電注兩目
甲系獨何術能使同獵鷲三十六脩鱗羣鯁蕩相逐
亦有曳其輪中行而獨復君家名父子厥理探已熟

人生宇宙間亦在適所欲義精無非事慮澹不翅足
願明消息幾願神以養福遲子寬我憂書來寄陸續
鴈聲砧杵雨相滿洲高桅大舶行清秋長安白日誤雙
鬢故國青山明兩眸前霄大江半歸壑來歲候蟲已
坏宅無蹤天馬常往還不信人間有終屈

送揚尚書汝明知瀘州

斷鴈懷歸蘆葉秋離鱗鳥感照菱花羞五更呼兒拭殘
淚淹速有命吾歸休殿頭三拜疏去意浩莫敢內前
宣辭賜顏色外間祖帳如雲稠往年長安道笑談取
公侯白壁抵山車斷流黃金初屋花蒲樓萬金圍腰

笏頭帶廷紳噴噴懸兩眸吁嗟此何物白盡人間頭
二十年重來見此勇退楊瀘州平生志氣未肯傾卷
懷歸洗岷峨愁我往送之門感事增自具悲怨別公
上車去怕鬼見笑君奚奚留

送鄭侍郎損四川制置分韻得蓋字

恭惟 皇上心納納天同大明命輟禁游往撫蜀彫
察蜀山在何許斜陽點鷓鴣背家住扶桑東復東却望
斜陽鐵山外金頭奴子扼熙秦銀州兵馬衝蘭會
我六年望蓬萊征人穿空枕戈役使我千里致鐘石
居人輟釜泣粗糲縣官無麥苗租百姓無藏蓋上有蒼
蒼君之高天卒然叫呼不可待聞外萬戚休只以一身

佩我於公行無所贈筮言得咸為良先良山本中虛
允澤乃上漑獨於九四論心體而以朋思為障礙願
公書此象長於卧興對蜀道青天蜀平地君侯一心
即難易思耕亭前先鄭碑更看他年後鄭記

大理晉少卿煥欲見余近作錄數篇寄之以

詩為謝且去連日瘡瘍作讀余文而愈因

次其韻九月二十六日

西風蕭蕭蕭吹鬢多心獨立長空倚天壁俯看滄海環九
州仰視青雲行白日夜歸蟋蟀鳴秋床觸虱萬鬢西
風香而余生世竟何事孔翠影蟬游裳負心宴坐
自探測善利幾微如白黑江西夫子最知心欲往從

之後土濕忽來詩句懸清風拱揖孔孟塵瘠癯便思
載酒巾車童一夜壯氣干星虹車童惟裳也

送任大卿逢知漢州張少卿午知眉州

冬卿懷紱行清秋又送兩卿歸作州寄聲三州之父
老從今安用思故侯朝廷擇守重於昔親擢名卿界
華職兩卿更是敷麻深元把塵來復塵出雙騎紫馬
去朝天羈金絡月凌虹煙迤邐似惜錦障泥急流欲
渡不肯前好官豈為多榮祿兩卿之歸得吾欲昨夜
流星聲撼屋光芒照人不成宿起看北斗行雲端驅
策四運無停鞭旁穿上透多風寒九州霜露方漫漫
人間分位各有制行得一分一分是兩卿去矣吾亦

歸多爲天公憐赤子

十二月二十日領客登介亭分韻得梅字

晨鑲載賓從披霧陟桂鬼宇宙歛盈握江湖大容杯
孱顏石丈人玉立山之隈山前大第宅馬頭漲黃埃
獨北抱昭質蕭然侶寒梅有客以問余豫爲地爲雷
雷出地爲奮雷何取於石哉人以動爲境云云不知回
而能介然存神氣斯有開相對得深省欲歸重徘徊

四月二十日領客尋龍井前盟以雨陰晴未

定不果往買舟下西湖步至玉泉觀魚分

韻得東字

前期戒賓從再候蘇長公晨炊馬亦秣宿載車旣董

飛廉何方來橫出雲半空便將龍井泉換卻西湖風
公非閔清境乃似開其逢煙柳夾大隄峯荷點清穹
水涵亂雲百露濕殘照紅不是我輩人此味誰與同
神閒等喧寂意適無西東觀魚滋有發歸騎春風中

六月十四日後殿侍立新永康太守盛嘉甫

朝辭奏事詞氣懇惻上為嘉納嘗隨筆

紀其事今鄉人祖帳分韻得西字遂書以

贈行

嚴精伐鼓趨晨雞龍媒戒仗喑無嘶宰臣奏事左墀
降史臣曳履東階躋永康太守臣申之上殿音吐干
虹蜺曰臣前領大農簿試郡得請今當西韉人求通

反其使金人匿壯招吾攜勿言殘金繼前好將貳韃
鞞搖青齊時將有反事有間翫歲惕日憂噬臍 皇
帝瞿然曰是是伸頤頷首天聽低貼黃更請磔叛將
褒恤死事不可稽 陛下亦聞西事否昔號險阻今
多蹊散關皂郊已平地白環黃牛猶瀆隄分臺列閭
越秦視體統渙散人情朕 上云私意誤大事諄諄
切切重提撕申之又言故臣丙昔嘗有德于坤倪
上顧指臣曰安丙申之頓首如舍悽紛紛交情異生
死獨此推本祛羣迷臣時張拱立 帝傍螭頭恨無
千赫蹠爲王留行力不足戴目處此羞梁鸚宮無小
大莫非事勇爲天子綏羣黎天如有意聽臣歸問天

重乞青玻瓈

揚仲博約生日七月二十四日

金街隆隆曉鐘動倚馬禁門續殘夢驚馬風雨搖江

霏恍如秋浦哦詩時覺來恣恣埋前緒猶記平臙蟹

魚句十五年秋池州遇生日大風雨中是日江風吹

倒山船頭白浪高黏天兩家兒女攬衣出草草杯盤

作生日自從襍被趨帝京二年不見波濤驚馬不知風

色今安不眉但見朝朝侍明主銀鞍白馬上晴空鳴鞘

戒仗天無風朝回為君慶初度才上心來到秋浦君

今去作什邡侯歸興如山不可留只虞吳江上風色惡

不似帝城鎮懽樂高樓大第插雲霓煙花眩眼明春

暉五只儕且可飲勿問尚書期為我歌毋庸歸

送杜兵侍孝嚴以華文待制知遂寧府

敝貂衝寒馬聲濕餘杭門外送歸客去年白月送六朱

幡揚瀘州任漢州張眉州今年又送四千石成永康及杜更有三令

相後先是時有同時得縣者楊伯洪楊仲博杜陽安采不盈筐去如織蒙蒙

風雪人氣薄漠漠煙塵劍花蝕獨立長空倚天壁幾

度乞歸歸未得貳卿拳拳天與姿不肖月隨俗相脂韋

聲名早落落真舜聰霞裾雲佩明春暉虞舜已死不復

返雲埋倉梧天地悲萬物興歎各有期人生出處寧

無時攬裾結佩下霄漢苟得五足志官無里中史臣昨侍

玉皇案愛民一語何孜孜公陞舜日上云卿到願公領蜀中切宜勉力愛民

此深長思民力竭矣誰其知更須同志共此事則公
且去吾亦歸

送楊仲博約歸蜀

江頭送客雪初晴木葉脫盡山空明天高地迥着行
客昂昂野鶴相似清曉空霜唳三兩聲扶木枝上陽
烏敬焉豈無枯蚓若殘粒寧肯俛首雞鴛鳥事伊人伊人
此為客不是伊人招不得固有比隣不往來那能萬
里相追逐瀘涪江上初戒舟荆江夏簾赤壁秋長江
鏡滑無纖滓致君肝鬲爾許從竟成何事客先發羸
得蒲頭椿歲月丈夫身在復何憂莫作無相見期別

送黃宜州復之郡

皇帝親政之初旬史臣了翁侍嚴宸宜州太守當就
國袖出諫疏前開陳災荒僻在飛鷲外陛下
一跡同吾仁母云指搖非害事往往四體為不信臣
請選侯如中州更飭膚使時咨詢但令正身以率下
災荒雖遠畿甸均皇帝顧謂汝可往布宣德意安吾
民黃君下殿再拜謝盡以聖訓關史臣史臣拜手筆
之冊以君所聞還贈君維今貪競習成俗公私已屈
憂方新紀綱法令不敢知恃以立國維蒼蒼豈蒼
茫不可問人情忻戚天笑顰願君體此深長思便以
聖訓書諸紳心誠求之莫非事子苟不欲民無貧

送秦秘監

李樞

以顯謨知潼川

杜侯歸未幾又送秦侯歸錦衣赫相望里閨生光輝
僅存二三士去意不可羈王張屢乞身余亦五請祠
豈不明主戀去就各有宜昔歲語杜侯志得官無卑
近忽省前誤熱空無寒煤君門天九重赤子命一絲
詩書謾張腹字字不適時俯瞰大江流仰看蒼雲移
悠悠未有角虎虎安所馳昊天豈民憎翻覆不可期
願隨力所逮必以誠求之求之有弗得况忍相瘠肥
臨分重回首吾匪懷吾私

送張匠監

忠恕

以秘閣知贛州

西南間氣忠獻公一生心事天與通才高志廣無處
着獨倚衡疑望關洛九州風露路方漫漫卷回殘夢歸

餘于惟將一念遺孫子長與世間立人紀宣公端明
今在無我生不識慚非夫寧知中歲遇行甫歷歷典
刑猶父祖試從微處覘經綸中邊玉潔無纖塵大河
滔滔恣羣飲逡巡獨惜障泥錦曉庭戒仗暗無聲掣
纓振鬣時時鳴京師邸吏自相語張公立朝我良苦
不知書疏何所言每一論奏人爭傳好名之人能遜
國而於豆羹見詞色反覆耐看不可駁此事無素能
然邪我從同朝一千日見公造次皆是物寄聲爲賀
贛州民 朝廷爲汝輟筆臣却須更問蕭太傅中朝
外郡誰當慮

約漕使泛舟東郊坐客十人分韻得江字

微雨爽晴昊柔風渙清瀧空明山四坐宇靜天八窓
筮言得幽真此意誰與雙使家我風調賓友俱同腔
高談颺清鏡勝韻眠空缸東西南北人偶此同一邦
坐數雲白晶晶起看水淙淙古今聚散地浩浩如此江
餘霞照寶瑟明夜欺銀缸維舟未肯鼓歸夢敬駕逢逢

重校鶴山先生大全文集四

重校鶴山先生大全文集五

古詩

有吾摘傍梅讀易之句以名吾亭且爲詩以發之用韻各賦

三時收功還湖易百川斂盈歸海席誰將蒼龍挂秋
漢宇宙中間卷無迹人情易感變中化達者常觀消
處息向來未識梅花時繞谿問許巡簷索絕憐玉雪
倚橫參又愛青黃弄煙日中年易裏逢梅生便向根
心見華實候蟲奮雷地桃李妍野火燒原葭莖茁方從
陽壯爭門出直待陰窮排闥入隨時作計何太癡爭
似此君藏用密人官天地命萬物二實五殊根則一

圓形闢闔渾不知卻把真誠作空寂亭前擬繪九老

圖付與人間子雲識

五老峯前訪梅招鶴合余有吾作九

次韻永幸令江叔文鶴山書院落成詩

天運驅人人不覺古道違時時不學王相隨脛回荆
山昭質依然未經琢因思胥靡逢殷宗精神動悟聲
氣從礪舟霖雨到梅蘂變化氣曾天同功朝歌屠者叟
無與語一日投綸見明主大車檻檻行周道輪輻中
規箱中矩人生天地同一原自誠為聖明為賢地殊
世遠猶合節矧此同宇相周旋自從澆風散遺直世
不乏材無匠石未能登車習射御人人自視邛無恤
出門浪戰觸與蠻半生少得須臾間不為夷甫辱汝

水即似介甫通鐘山古人灑掃先庭戶豈問他人莫
余顧只憂原頭欠滄瀆才見天根便呈露人言陰濁
勝陽清陽一陰二分三亭誰知陽德本無間根心枝
葉長相親君臣大分雖有止終不能忘乃天理世無
我知將自知不待靈龜問諸史投沙屈賈占所歸九
州博太歸何之雖云忠憤語傷激律以洙泗猶津途
前村虎嘯晚風起跼蹐鳥酸嘶雁將子 君恩未報臣
憂深暇把壺頭較鄉里江公勸我姑少安新詩內好
如璧環敢輸憂誠謝慶語仍戒憤史母抄傳

生朝李肩吾貽詩次韻爲謝

肩吾作詩慶五十於我顛躓授之執紼因思五十義最

精造化機緘斯出入君看五位相生成前邊後摩如
投揖至於五行室有窮澤火趨新承并汲作聖工夫
方自茲爲人生活知非急昔人於此嘆始衰血氣雖
衰義逾隼集蹇余不學晚知非方把斯心驗存蟄獨嗟
道遠莫致之願與始終謀不及

次韻李肩吾讀易亭山茶梅

梅華鶴羽白茶華鶴頭紅拱揖鶴山翁如投宗人同
山間兩宿主窮極造化功易終得未濟曹吳觀幽風
或嗟生處遠不近扶木東誰知天然貴正在何睹中
喧寂四時耳寒至空斯穹冷眼看千古聲色沈英熊

再賦

淘金亂川綠發萋燒山紅自爲天一隅奚翅地十同
米賤衣帑費四民罕全功功夫到華卉未至澆淳風
老梅委林莽洛珮遺丁東茶華新移根脫命斤斧中
焉知貴然者秋毫皆蒼翠兮觀物弗之察吾欲問黃熊
二氏
疏禮

鶴山書院前爲荷塘三即其小嶼築亭其矣
春後八日始榜曰夫容州

巖風吹衣落南土手批魁揉藉封虎緣山跨谷三里
城架竹編茆百家聚天公似爲羈人謀閉藏佳境城
東陬介然用之便成圃下盱更得夫容州水間木末
高下照名字既同形亦肖自從羸豕伏羣龍紅白相

輝轉明耀人憐風雪拘系之委棄衰草蟠寒澁誰知
炯炯舍內美正於槁瘁生光輝太書三字爲吹送喚
起渠陽百年夢爲疑二華癡絕人身既隱矣名焉用

再韻

和者盈軸次韻謝之

文華滅質甚塵土物欲戕生劇豺虎三年挂舌坐林
臯日月往來虛叢聚夫容自與詩腸謀雖無顏色媚
涂陬夢隨春草撩客覓手杖雲錦分潮州平生耻作
山雞照對此忘其爲不肖爲華破戒哦七字殆似五
噫發梁耀李君不爲拚覆之喚取奚錦披封泥縲車
引出萬然緒衣被山谷春無輝山中華木送賓送人
把榮枯同幻夢卧看夫容生木生滿日天機供日用

通道朱宰求時齋學字李肩吾賦詩少韻

朱君問時齋為誦義文書更終伏剝果乾始函坤輿
坎離互藏宅遇復更踣閭物理消處息人謀處中疏
即茲貫千古何所非廣居是以無妄時不耕穫畱畬

撫州崇仁縣王清觀道士黃石老工古篆以

李公父書來問字

聖學不嗣千餘年併與小學遺其傳其間明道寧乏

賢謂書小伎藝也揚子通天地人曰儒姑舍旃十字九

并不可鐫楮生墨墨色有冤動以經史為執言豈知

魏晉幾變遷况今經字宗開元請觀未有韻書前訓

篆字林形相沿形聲迭推義乃全韻書既作人趨便

未能書法窮根原但以聲韻求諸篇形存聲亡韻亦
牽叔重少温工磨研二徐鄭郭相後先書法賴此差
繇延許李馬得無謬衍楚金分韻猶拘攣若更舍此
徇俗妍不學操縵求安弦玉清道士來臨川用意周
鼓兼泰山攜書過我渠江邊試令立柱與書稊椽闌
幾礎末楠椽已能諧世而取憐猶欲度外求方園眉
山夫子思涌泉相與共講扶其偏道士稠載明當還
更以一語申卷卷能於此處知其端事事物物誰非
天九章八卦莫不然一毫人力無加焉

題尹商卿起宗自信齋

虛靈一寸心至遠而至近真能位天地信可爲堯舜

不以利欲重則為習俗熾怙怙弄文墨若若讓諄綴印
聖賢豈我輩位育非吾分亦有識其然責泉於九仞
人言力不足我謂知不盡商卿聞吾言且信其不信

兄子高斯得赴廷對

九十九峯直聳天起家在前峰夕陽裏纓絡虎豹斷行
人小市寒城淨如水驪傳有客闌然來檻衣視之吾兄
子云從諸侯貢往備天子使來時吾父為我言女之
靖州問安否靖州苦好脩女從得師友世方白首聲
利場父詔子承乃如此柳陰花影春風香且喜極無言
澹相對家學既爾殊天資亦云美自菴寂寥之無可
贈贈以菴中一箇自吾聞古之人仕學皆為已上不

可欺其君下不忍虐其類此豈有爲然凡以自靖耳
我之行止命於天上下四方難豫擬且將自靖獻
君無限功夫歸詰爾

丁大監文伯得余近作讀之疾愈以詩見貽
黔巫之南谿水茲山麓石惡不可治崇寧邊臣務廣
地山刊石斷林木斯其間掌許號爲郡如以土偶安
須眉中州人物猶此任纍臣舍豈是夫何詞况於風氣
少疵癘且幸習俗無澆漓飽餐賤米溫舊讀書味雋
永忘其疲坐看歲龍度丑戌幾見秋月弦虛危都梁
有吏雲端來持書火急如符符救美人家在九芙蓉門
牆突兀那可窺聯緘繁牘夢邪非一年兩度劃見之

我詩但能愈君疾君解與世醫西狂癡乖逢休戚信有
命嘆上不使非知豎

先立春一日電雷雪交作程叔運賦詩次韻

自從日馭行牽牛四十五日為春朝誰驅阿香送劈

歷更遣玉女來姑瑤山海經玉女居姑瑤山從來雷雪不兩立

有如皋禹於驩苗闖然方駕朝正月是反常性皆為

媿陽孳於子達於寅蟄蟲欲動寒魚跳蒼龍又移舊

歲次朱鳥亦向新年杓如何陽伏不能出陰氣所沴

如沃焦相摩為雷搏為震始初隱隱如迢遙劃然一

聲到七箸驚魂忽忽不可招須臾為雹又為雪寒威

扶勝尤宣驕春秋已事且云遠紹興狄難幾難調春秋

魯隱九年及近世紹興
三十年正月有此異
乃今此異已累歲制四海

由衾禡引禡二字收運欲易之為徒今志古歌且謠

無人采寄觀風報

朝字韻詩諸丈倡疇未已再次韻

風挾重陰牛戴牛電雷電雪來終朝詩人隱憂寓疇

倡清輝錯落欺瓊瑤似驚一日四變異須省二气同

根苗非陰能勝陽不競非物能肯人先妖炎精未振

剛受畜睢水晝遁成泉與臯同跳一從憤排剛浸長幹

握地軸旋天杓山中不知此何時祇暗此象心為集

駟系臣九死何足恤頑雲吞君慘天關遙澤中但知賦鴻

鴈天上無復歌祈招音醉頭新酒空似清牆根新薺

花如驕使思傾軛正毛解絃不妄爲取琴微調江張程
子同一醉芳草爲藉契人爲禍干戈滿地不忍見恐調
老弱征商輶

送程叔運高回不妄西歸

平生爲人謀必以正學進必以直道行聞者或相靳
子以正教我而子坐排擯跼鳥伴羈酸再見渠陽墮
吾心固曉然其柰無以訓紹定二年夏臨軒策羣後
似聞甲乙選參錯吐忠盡其間親與友斯得及叔運
俱負康時略耻爲諧俗韻後先來過我雙壁隨清峻
從容扣所言何以承大問聽之不盡篇肱口復縮頸
予方以是黜子乃以是奮斬者姑勿道而予益自信

人能位天地人可爲堯舜氣合如塗塗道同如印
勿憂人不知長恐已難盡春情撩客夢歸思不可忍
谷趨青油幕新發蒼梧朝正學予所知申言以爲賣

湖北提刑林寺丞 岳赴召以書索詩

縱金伐鼓催行舟攔街袒帳雲如稠祥刑使者入奏
事詔書趣發不可留居人爭門挽衣住行人十步九
回顧公言爲汝五年留便是數旬終一去居人向前
爲公語情知不是留公處一春風雨寒淒淒牛羊滿
地鴻酸嘶乾坤爾闊無處着惟有此地恬不知桑麻
雞犬挑谿曲身住主家數椽屋卧聽前江風雨聲自
嗟身是如天福公公歸去作大官連雲廣厦千萬間

我時豈不被公賜天高卒卒難爲攀吾儕小人腹不
憚再公祝公公今攬纜行原隰澤地相臨看不足明朝
歸坐京師宅深院重門雍泰休戚願公莫爲一身惜須
念同胞頭戢戢春風湔淚情轉側道旁過者聲喑喑
我時困卧五筓東十日八九陰濛濛有來道前事耳
目爲惺惚更將百庸扶醉膽喜餘鼻息陵煙野欲輸
一言不能措以公所聞還贈公

中秋無月分韻得狂字

東坡狂雲如佳
月如飛千里黑

金低辟老火月瑤行仲商是爲陰之中正與日相望
浮雲橫相掩人謂妬且狂彼雲初無心此月亦何傷
水月本同體其中根於陽炯炯舍內景隨時發輝光

天機之淺者爲人作閒忙

九日分韻得寒字

奇月必用重誰與開其端貴陽而賤陰於此亦可觀
况於五陰後蒼龍挂高寒林疏山骨瘦字靜天容寬
表然遇九九黃菊紛闌斑且開五言城聊寄一夕權
凄其義熙後甚矣天寶間陶杜千古心知者良獨難

送吳門葉元老歸浮光

予以驚愚抵戾放之蠻荆去國之日自邇臣百
執事下至博士弟子負都人士祖帳餘杭門外
連日不絕臨安尹白宰相致餽畫具四大舟送
至丹陽所過監司帥守將迎如他日予謝以疾而

不得免焉入靖靖守洪文惠公之孫倬遇之如
使客而有加四方之賓友從游者日至行理之
問無虛月也予皆固謝弗聽吳門葉元老識
度器器深魯出儕類嘗受學于陸宿微具有師法
所交多天下賢士予因陳正父識之傾蓋如舊
交一日匹馬數童來自浮光爲予數月留母旦
聚友讀書旦元老從容出一詞率中要會談古今
治亂人物優劣山川險易下至甲兵良窳米粟
少多之數皆探原委蓋有志之士也予每隨
前史凡喪人遷客必使守隸防夫極之於其所
往至則數門掃軌屏去書謁人或追送而遠省

馬則史冊必書之為美談其在今日不惟不加
之譴或返以是見稱於時賢見用於當世嗚呼
非嘗從事於學志立而氣彊者不能辨此非

祖宗仁厚之積絲世歷禩愈著愈深亦無以致
此元老將歸省其伯氏乃與共學之士酌酒餞
行各為七言古詩一章予為序所以作云

龍標之南路窮絕峩峩羣峰倚天旁頽崖壓巖鷲跼
翅很石橫空馬溝血葉君尺篋度崔嵬朱霞白鶴雲
端來蠻邦自昔見少此客問此胡為乎來哉曉窻共話
羲文易千古聖賢心歷歷有時舊習未全忘間倚銀
河弄詩筆銀河化作霜靈叢飛蒼龍移入天之西彭城

風雨撩客夢君起謂我吾其歸牛羊凍卧鴻酸嘶九
州博太君安之人生行止各有時願崇明德慰遠思
題東甌主友直尚友堂

士恨生世晚不為三代民誰知伊傳至孔孟亦學古
道嗚時人豈惟三代時堯舜萬古師猶云若稽古不
知古為誰與數有誰信義理無終窮雖居身舜世常
有一簣功嗟哉秦漢後去聖益以久縱有間代英僅
為時儒首况於隨世就功名其有誰俗攫寵榮於
聖門直蛙蟻已謂斯世無與朋多知正多懼不知轉
矜負亦云知矣恐未然須驗此心之權度有師舜文
學周孔有擬管樂明申韓亦有是商鞅亦有趨異端

若言氣合即爲善是中更要分明看

贈造琴道士劉發震劉亦解致雷

劉師攜琴來自自言有術驅雷震聞之輒然笑人心未
動誰爲鼓揚居陰位陽行逆日循陽度日數贏必嘗
疑聚乃奮擊未有不降施誰外騰劉師攜琴來爲我鼓
一再行若知雷霆起處起便知音是人心生

洪士龍以洪舜俞考功所作竹洲精舍記覓問
考功記竹洲所業在淇奧謂學與自脩此何取於竹
士龍來諗余試讀言其自天地之大端松篁受命獨
陰陽迭盈虛表裏更見伏厥象肖坎離厥理寓如復
榆杏柞與檀四序所宜木此獨貫四時不受寒暑觸

示人人不察但識霜更綠誰能淇之上興寓三五覆
形氣玄發明顯微相貫屬嗟余粗知方倚枝看不足
安得兩洪君試同煙露宿

張永平鎡作亭于渠河之右予請名以觀而
通守江君埴賦古詩二十有二韻且落之
用韻和荅

渠河有水清且漣弄丸之暇遊其間風輕沙暖鷗忘
機天開日烜魚逃釜山中不知歲月改春洲六度聽
縣寧聞人簪游不到此岸容山色如有寃永平教學
訟亦簡為我卜築河之干臨流興懷嘆不足因思孔
聖感逝川豈無日景自北起亦有天運從東旋風霆

流形草木賁星辰垂象郊原寬乾坤坎離更見伏春

秋代謝相回環雖將此理醒羣聵更向川上觀微瀾

存神過化義塵塵行著習察心閒閒子思淵淵達天

德子車混混窮原泉東流不休發吾民呂不韋以水

不休為天濤濤遠望悲屈原九歌荒忽兮濤濤聖賢

分量已差等後來承誤滋可嘆或嗟季表勸努力或

謂時逝宜游盤無須看龍見水歸壑又識兩降雲蒸山

陰陽翕闢本無閒俗儒但作死生觀河南挺生二程

子指示道體鑄冥頑人能於此發深省致知格物茲

其端神祖聖伏二千載是心長與江瀟漫文通為揮

五色筆大篇長句垂不刊春風沂泗儼在此居人莫

作渠陽看

次韻廬陵劉時身懷

史終伏剝果之極逢天衢否泰之類良止與動俱
此道固曉然人情不同趨兩自自安障狂童為子都
羈金絡明月騏驎疲為靜觀若有得知非降才殊
但傷此道遠獨行嘗寡徒解后知我者聊足以自娛

重校鶴山先生大全文集卷之五

開化圖書館

Kaichua Library

開化圖書館

三

重校鶴山先生大全文集六



古詩

贈曾璽

大極分陰陽物物具兩儀乾坤互南北坎離迭東西
四時有見伏晝夜有盪推夫人遷於物由之而不知
六淫一為冷大命璽所司或當暑且而表或御冬而絺
或學製而傷或助苗而萎其間號為儒亦以身嘗璽
江西有曾君解后荆江湄暇日與之語切瑳及幽微
榜人趣行遇欲別不忍離乃書所素講為詩以贈之

四川茶馬牛寶章 大李修揚子墨池以書曰

索題詠

子雲一去千餘載惟有成都墨池在阜元此地是邪
 非元文今在人誰知雖逃劉歆舊說院鼠壤蛛窠蠹
 魚宅山長無學者工探求不識潛聖譏教費肌自從馬邵
 造元域晁氏譜之張氏翼亦云祭矣人猶疑試為諸
 老申其辭易書廣天包天地辭變象占都一致世儒
 造入各不同有一于此均為功况於易元互相發不
 同之同直易書與曆家中首先黃鍾雖以坤復為初終
 中首先黃鍾謂太元八十一首起中以準紀日天正
 中乎取復前七日中乎卦氣隨天左行
 始牛宿又以日星分左右元以甲子朔旦冬至日起
 度宮分起從冬至易元均元意欲取臣承君謂承君
 背右行起從冬至易元均元意欲取臣承君謂承君
 右行注易書八八而用七八對者八卦推五十四卦不
 見後

對元文九九而存一九九存一謂元有八十一對易分

六符中二五臣志上通君下取元以一五而為中君

道君尊良代終元文主日易主歲元主日謂日法取

主歲謂起甲寅歲九四十五百六十易書為經元

為緯謂元於易地承天就中邵子尤知元康節準易

之於易如地或云元準卦氣圖是圖疑亦非聖書焉

中復與咸遇乃是陰陽自然數元準卦氣圖自復

二陰自遇至中孚八十陰九十二陽咸至遇六日

中孚咸或云元做太初歷黃鍾之分八十一豈知虛

三與虛九其數雖同其法否太初歷以律起歷八十

管九寸九九八十一即虛九也分而律呂數用七十有八即虛

三也元八之存一即虛九也

或云元象宗渾天渾天方象包於圓山豈知兼用蓋天

說蓋以輿地承純乾子雲輿思渾天而作太元渾天

圖在上首表贊方圖承其下乃兼易雖無元不為闕

易更得元涵有發且如河圖與洛書及揮道數無遺

餘後來支幹及聲律運氣參同至太一此數者雖與

詞師與易並行人不譏千歧萬轍同一歸况元於易

同而異何獨於元苦譏議子雲之師曰林閭鶴山之

下誰其徒子雲之師曰林閭公翁儒臨自翻機杼作

生活律歷圖書無不介若非馬邵晁張倫倫後世幾

無揚子雲後世子雲今繼作而此元文終寂寞空餘繪

象與崇陰聊與文士供嘲吟繪象乃素參政重修祠

堂取閣下本墓室中堂

左列元學源流右圖蜀珍
池上多海棠不知季矣

和靖州判官陳子從山水圖十韻

子遷靖州判官陳子從珪為鄰嘗從容出示
靈竹僧不二山水圖其末有乃祖乃父十詩二
跋前賢風裁邈不可及輒次韻以識高山景行
之仰云

外物羈縶人無退亦無遂愧彼自由身朝發夕子至
右彭孟齋歸舟

山堂有何觀四時互興歇萬物隨天根東生復西滅

右山堂曠望

水月皆日內景入秋倍清曠世無善觀者有濁滔吾誰歸

右重湖汎月

士非耕釣者而從養望翁人生貴適志華渭亦時中

右星灣晚酌

澤氣蒸前山起自膚寸微競看千丈瀑不悟片雲飛

右雨後觀瀑

松栢不受鄙此亦易知耳頃看竹有筠與松相表裏

右松徑晚步

莫作谿流看天命無窮已詩人若知得千古可坐致

右谿上賦詩

散髮避炎暑炎暑苦相尋云何對大賓不見汗沾襟

右林下避暑

松竹貫寒暑而梅時往來不知如復意隨人謾徬徊

右載酒尋梅

懷人得清晤此樂浩無期剡谿興盡返未喻伐木詩

右雪中訪友

過屈大夫清烈廟下 歸州歸鄉注

鸞皇棲高梧那能顧鴟梟椒蘭自昭質不肯化艾蕭
人生同一初氣有善不善一為君子歸寧受流俗變
云何屈大夫屬意椒蘭芳蘭皋並椒丘蘭藉薦椒漿
騷中與歌音蘭必以椒對謂椒其不芳謂蘭不可佩
此言混凡竹臭味自爾殊亡何歲時改二物亦變初
以蘭為可恃委美而從俗椒亦佞且怡干進而務入

椒蘭信芳杜_三質自堅好胡為壞於廷晚節不可保
意者王子蘭與夫大夫椒始亦稍自異父之竟蕭蕭條
迨其習成性甘心受蕪穢不肯容一原寧以宗國斃
禹皋於共鯀且封與鮮度同根復並生何嘗改其故
原非不知人觀人亦多塗治朝中可上亂世賢亦愚
况原同姓鄉義有不可去所望於兄弟謂其猶可據
我本兄弟女孰知胡越予以是觀離騷庶幾原心乎
或云蒹蕙築山豈必皆名氏騷者詩之餘母以詞害意
仲尼作春秋定哀多微詞楚之雙小臣况亦有不知

至左縣書懷呈崇州蘇州二兄

歲行析木予去國鵜尾之季纔返室東西南北看此

身水陸二千三百日或云子非善謀身幸生斯世同
斯人胡為嗷嗷苦自好輕辭富貴重絕貧五穀之濱
有何好兀坐六季不知老齒門待汝有何惡要把山
林易旌壽縣子聞其言忘自語吾非斯人而誰與獨嗟
行止各有時龍蟄鴻歸亦其所洋州拔將鳩餘民仰
空待救人不聞黎州邊丁戍內郡空養赤子防西門
縣州近院劍龍路列雉驚奔渠不頤叙州平蠻亦良
苦卒以憂勞棄子去見危授命理之常苟得死所庸
何傷所憂人已兩無益燕蝠晨暝徒皇皇鶴山之顛
一畝官我名吾亭曰願豐只祈天心速悔禍雨未雨
麥蘇民窮有糧餉士可衛民有民給耕可供軍民

相資護關塞又須監牧長得人規摹便立久安勢不
作目前苟偷計弟兄歸與里父師長對春風賦常棣
壽四川制置李侍郎

崧高二王德垂永數世仁一心千古脉一氣三才根
人言通德門封培知幾春陵州不盡用雖國非全神
厥美鍾在李魯殿巋然存誰知中興主流澤被子孫
是用遺一老為社稷萬人三朝典刑舊四海觀聽新
自公鎮西南威聲懍懍胡虜棄地盡歸疆餘民亦安至
便當度雙劍建大將旗鼓進賢黜不衷討貳誅失伍
增屯御驕卒募耕實邊園堂堂當道卧一勇銷百侮
願公排羣議釋我分外慮上流屹長城却歸輔明主

送高才卿出守嘉定

張東坡送
嘉州韻

十年誰遣不寧侯，鷹奔鳥散十七州。
餘州殘寇能幾許，史君今作載酒遊。
諸公飲雋已濡首，眼前百事不挂口。
震風凌雨揭郤屋，左蟹右杯猶在手。
史君千騎行清秋，豈爲杯酒饒涎流。
網罟隴六既云晚，亭臺竟不到花繞樓。
乖逢聚散古來有，而我此時持此酒。
河梁竚立不知還，插領青巾絲半成叟。

次韻蘇味父自耶兒寄

敬共事明德，懷如槃水持。豈惟將弗勝，抑恐濁且茲。
結髮齒齒名，官幾被末俗。移學晞遷商，博之舍恭莊。
騷爲書不記，癡龍話不通。雌霓覓恥於市朝，捷甚於溝壑。
空櫛

大道砥如平陸身蹈難危迨其闕世久始識真聞知
天命賁草木生意長妻妻蕃鮮固六樂搞瘁安足悲
陰陽孰信誦日月誰邊推乾坤奠中極雷澤周四陞
夫人命於誠地生而天施五行根五事位育誰司之
嫫浮溺于詞躁輕亂于儀山雞銜清影祗以速顛躋
况彼膜外榮皇皇復滋滋滋滋 汲汲 與我 同見 孔叢子此於我何
加寒暑自四時蘇公西南考儀鴻漸于逵而我坐遠
屏七年墮蠻夷夢思岷山陽枯筇伴危眉人才日零
落憔悴西南維大篇忽開予炯炯晨星垂公來何勇
邁我往何棲遲敢晞會溫潞竊願商濂伊默嗟氣相
求范喧密成脾梅邊立跋呵正待陽春歸

七夕南定樓飲同官

誰將明星貼天宇
州國宮垣象官府
更將四七隨天
旋常以昏中殷
四序迢迢河漢
衡秋旻前有蒼
龍履
玄武牽牛正向
西南來左右兩
旗北河鼓鼓星
之側
爲天桴鼓上三星
爲織女何季人
號天女孫便把
牛郎擬夫婦不知
此是天關梁河漢
之津有常度晦明
伏見莫非教肯爲
文人給嘲侮班曹
庾謝猶讎言世
上兒曹更堪數
臨風三誦大東詩
須信詞章有今古

中秋領客

秋中無常期
月望無常歷
况於月之房
歲十有二集
云胡三五夜
賞翫著今昔
我觀魏晉前
未有娛此夕

豈由夕月禮承訛變淫液天行至東北陽外乃朝日
日月向南來三務趨胡易則於陰之反順時報陰魄
古人敬天運隨處察消息俗學踵謬迷更以擬比也
也不科級廣寒八萬戶桂樹五千尺文人同一辭祇
以驚焉俗客墨墨數百季月如有冤色為作反騷吟聊
以補載籍

重陽領客以老杜舊日重陽日詩分韻凡
賓主十八人得不字

天根歛秋陽雨畢水歸藪胡為爽常度白晝變食鼎
農功將納場餘秉尚樓畝昨朝告方社卷去日中節
義和鞭六龍為我作重九雲頑驅復來渾未識滅不

終然劃劃之金鏡發矇眛所忻陽德競吾豈為杯酒
悠然見南山陶公意何厚况今祠太宮君美公正奔走
游北巖之疇昔夢作二詩覺而僅記一聯
云鬢髮絲絲半已華猶將文字少李誇明
日為客誦之客十三人請以是為韻予分

鬢字

時事彫壯心詞華誤雙鬢昨夢忽微予覺來起孤憤
五官予所司此夢乃予訓是心協著身龜長氣通履燿
形骸且不察理性抑難盡曉節度雲空望疏林露鷹隼
暮歸踏江聲寒流燭蛟蜃場思懷襄自氣勢如項陳
天根忽晨見菴不盈瞬猶然玩文來吾果不知分

飲情習未忘依前賦分韻

上巳領客

流觴元巳奚所因更指三日為良辰山陰坐上皆豪
逸長安水邊多麗人臨流有許豪與麗元無一个能
知津韓嬰何憑指溱洧東哲胡據証周秦千季渙渙
同一波競言此日天氣新其間號曰該冷者或言鳥
降祠高辛春分以後弗無子往往援引詩生民說雖
有稽義猶鑿况復除日經無文是說以為建辰于嘗是
之月除日在巳意已為火季春火見疑乘寅寅居漢津人所畏故以
元巳被水濱一季奇月必用重如五月五七
月七日之類三三欲解
陽德屯較之前說已云近終媿俚俗疵吾醇要須挈

我沂泗上回瓢點瑟看長春

永嘉林君誼父得英石名其室曰研呼且勿
礎也

齋予易以介室

柳侯謂楚南多石而少人至今英道間異石何嶙峋
乃知五行氣中土為秀民降才既匪易自棄奚不仁
任文一日炎乃以焚其身林君若知此是石當書紳

羅五星善奕某干詩

少年不識碁但見剝剝琢琢更相圍有人指授予衝
關奪角劫復持少年不識星但見臚臚膊膊還如碁
亦有告予者縮羸伏見元有期七年五熟讀書暇時
把二事相悅怡父之割然悟是閒有數人不知三百

六十一棊子此是乾策藏其奇萬有一千五百二十
星若以三十六乘之乘之既盡除坤策恰與棊數無
參差此理極精密歸後不復思羅生挾二長過我瀘
之湄恍如著我五谿上欲與之語無閒時此須靜觀
乃有得而我家住西山山西生揣我何時歸

七夕有賦

經星不動隨天旋枉被嘲謔千餘年無情文象豈此
較獨嗟陋習輕相沿我嘗作詩舐排之尚有遺恨汗
陳編人於萬物爲至靈聰明照徹天地先其如形氣
之所囿則以學問開蒙穎不知誰爲乞巧者乃謂天
孫執其權天孫能襄不能報世間之拙無加焉庭兒

駭女競針縷高樓大第迷管絃漢魏以來用一律無
人出語扶其顛其間假拙濟巧者又欲託此文藝言
敢因良會追往事更發此義聲餘寃

黃成之量求虛舟詩

黃君求我古誠州求之不得還西遊所求易子胡不
子渠家自弄莊生舟莊生傳之賈太傅便將死生同
浮休我家舟子與渠別中孚之象剛包柔仰山俯澤
乘莢木藏離伏坎含坤牛中間至虛若無物實理備
具非空浮此在太立首黃宮其於參同居中洲會通
古今貫徵顯上下天地同周流人將百季等浮漚我
以千載爲春秋我言似大而非常人人皆有不自求

黃君不信謂予赫我自姬孔君莊周

中秋有賦

望舒與日元非敵震受陽光發成魄六十四象不言
月三百五篇譏月出古道貴陽不貴陰宥禮下晝不
卜夕世間賞翫起何年誤却千年醉狂客不知客有
肺腸無更把荒誣作真實我因時序嘗作詩洗盡免
窟蟾宮迷今年新作東樓成胡為尚此窮攀躋人心
和乎民氣樂日月昭明天宇豁須知此事與政通不
是詞人間賞月

送游吏部赴召

天馬周流不停策青龍挂空山無色區中物物見根

祇歲季滔滔逐流水籲天求歸歸未獲客裏隨人送
行客鏃金伐鼓行清秋江頭組練雲如稠道旁老人
相與語主賓聞之愕相顧或云造闕如登僊一聲警
咳落九天豈知位高勢逾偏莫向紫宸庭下立非關
敵蜀解暗嘿紫宸地禁鳴不得或云敢言擬鳴鳳千
古高名泰山重豈知說著心骨驚冒名愈重國愈輕
或言古人重晚節元忠子方費分說豈知晚節不難
保却憂攘臂爲人笑三人所贈不皆然然則子也今
何言元祐中季基紹聖建中靖國何嘗靖若教此事
欠講明直將兩是爲端平是時臣言便休得臣不憂
身却憂國臣願天意開平治明良長似改元時史剛

末終戒苒陸姑陰雖微畏長羸躅真教世道端且平寧
使臣無赫赫名三人鞮然笑子之所願吾不到吾言
必於身子言望於人子意雖厚吾言真低頭謝一老
還以告景仁

奉謝資陽謝純天諸友是日三池周季章
馮季修許德開資中支仲玉至謝介卿馮
清叔廣漢常先父繼至遂寧楊儀斯期
而未至

駕言南東畝捷出西北隅資陽有八士持謁要諸塗
須臾平泉道衣冠被林廬問我來何方過我不適子
吾非煩囂避樂此簡便趨經行三紀後舊交半丘墟

翁仲州沒膝兒孫霜滿須其間最所懷劉公真丈夫
訖張二良友直氣橫九區堂堂合我去顧景景霜月孤
寒梧陶令宅宿州黃公壚我豈無肺腸拊事成嗟吁
待到西州門不如早回車作詩謝諸友努力崇遠
圖三家令子弟不諒予心乎

贈畫工王生

七年謫五谿二年守三瀘蠻煙瘴雨中不改舊時吾
此來懶看鏡謂我衰且癯王生忽肖象氣貌何丰腴
悔不賂王生圖作一病夫庶幾轉而上聽我歸林廬
及此未衰日更讀幾年書

次韻趙制置制勝軒詩

何年誤認驅作熊力小知薄當我衝級夷藩夜牖戶
 破至今風色長如冬去年推轂以授公單車飛度雙
 劍峯風稜竿榮瞻氣雄臨淮軍壘足跡重夜起攬衣
 瞻井絡鑄鐵不知經幾錯搗來談笑上紋楸龜頭局
 中虎口着誰將輿柴誤戰塵天戈一揮如砥平濯征
 豨狁戒蠻荆捷書夜上白玉京考成軒戶適茲日一
 吐十年宵佛鬱看詩又覺饒餘力要矜餘憂寬肝食
 書生喜極還太息天下憂端尚非一經營分表音見何
 益盍護本根保成勛是時朝廷出師復三京

端平三年春三月戊午朔

天子有詔俾臣了翁以僉書樞密院奏事既

上還山之請乃休沐日丁丑與賓佐謁濂溪
先生祠賓主凡二十有二謂是不可無紀也
遂以明道先生雲淡風輕之詩外韻而賦而
詩有二言有四言同一韻者則二客賦之了

翁得雲字

書生不知分奉詔行三軍赤手張空拳
幸脫貔虎羣四海蓮華峯濂溪漲清芬
擬求一勺水浣我三斗塵翠嶽明夕
霏晴雲溼朝氛重上夫子堂聲咳如有聞
池蓮已濯濯庭草長竹竹重惟夫子書
千古披昏聩善惡萌於幾陰陽立而分
一落俗儒喙嚙嚙齒穿銀流傳豈不廣
世道滋放紛書生屢乞殿歸耕故山雲

願言與同志相期任斯文

江東漕使兄約遊鍾山分韻得冷字

連年飲違業寤寐北山靈三過又不入風雨盲其程
一朝決會期萬籟不敢聲斷潢捲之潦列嶽浮帝青
因思山中人昔日相熙寧不知學何事奉制為周經
君平公咸其輔不悟宗康成相承至章蔡九州半擅腥
歷年百七十衆寐未全醒三經猶在校從祀猶在庭
追惟禍之首千古一涕零大鈞寶難問山雲永泠泠

贈畫工王三錫傳神

氣質紛不齊四海無似人藉令貌相近氣有醇不醇
善觀人品者儀觀與機神正邪眸子見善惡眉間分

且如若與虎二人自非倫而俱類孔子俗眼何昏昏
古人有夢遇便知為良巨又能記眉目曉然得其真
此須以神會難與淺者論王生歸為我試語司寇君
此理充得去三代同此民

司寇君謂莊
良貴侍郎

題溫泉

廬山一滴水雕盡詩人腸道傍有溫泉起然如遺忘
淺夫既閣筆知士亦括囊或云匪難知水火互陰陽
水根於天一至陽所潛藏所以井生熒亦有泉如湯
吾嘗謂或言子語未精詳水實含內景火乃無寒光
水將而不迎火迎而不將君看月受日又驗坤含章
吾言與邵語或可補詩亡

重校鶴山先生大全文集卷六

開化圖書館
Harima Library

開化圖書館

Kaishua library

開化圖書館


Kaichua library

開化圖書館

Kaishua Library

開化圖書館

Wakuhwa Library




鶴山先生大全文集

二

開元圖書館
Kawana library

開化圖書

Kaishwa Library



TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color